



احنا تيم x الناشئ بكلية التجارة ، قسم إنجليزي ، جامعة المنصورة الفرقة الأولي
وحاليا اصبحنا في الفرقة الثانية.

بدأنا في شهر ٣ سنة ٢٠٢٣ تحديدا في رمضان لما عملنا فطار جماعي مع بعض واللي كان تحدي بالنسبانا لاننا
منعرفش حد في الكلية حتي احنا نفسنا مكناش نعرف بعض كتييم كنا مجرد ناس شايفين الدفعة بعيدة عن
بعض وكان هدفنا الأساسي نجتمعهم ، النهاردة شغالين علي دورة كورة وهي اضخم حدث عملناه الي الآن
ونتمني من الله التوفيق.

ولحد وقت قريب كنا التيم الأوحد في الكلية إلا ان ظهر بعض الاجتهادات من بعض الزملاء واحنا بنشجع
الاجتهادات دي عشان المصلحة العامة للدفة ككل طبعا.

(اهدافنا)

- احنا تيم خدمي يسعي بكل جهده بتوفير ماتريال الدراسة لزملائنا وعمل ملخصات ليهم ومساعدتهم
في اي اسأله وكمان نكون واجهه الدفعة ومندوبين عنهم قدام الدكاترة وندافع عن حقوقهم
المشروعة ، ولسنا تابعين لاي ستر ولا نقوم بالتسويق لهم.
- كمان وجود الجانب الترفيهي عشان نخفف عن الناس أوقات الدراسة الصعبة ونخلي وقتهم في الكلية
ممتع ولذيذ عشان كمان يعملوا ذكريات جميلة في الكلية يفتكروها دايمًا ومتكونش فترة عقيمة
ميطلعوش منها باي شيء البتة ، ودا طبعا بالايفنتات والرحلات ال بنعملها وهنعملها.
- دفعتنا كلها بعد مرور سنة كاملة ميعرفوش بعض ، مكونوش صداقات ولا عندهم الاستعداد ، كل
يمشي في حال سبيله وواحد جنب مش عايزين يندمجوا او ينصهروا في بوتقة الجامعة ودا بيمثلنا اكبر
تحدي اننا نقنعهم ببقية عيلة واحدة كلنا اصحاب وعارفين بعض وكلنا نشارك مع بعض في جميع
الايفنتات الممكنة.

(عملنا السابق والمخطط عمله)

- في البداية احنا كل اعمالنا لم تجري بسلاسة للأسف وكانت كلها تحديات نظرا لعدم الخبرة والظروف اللي كانت محيطة.
 - الفطار الجماعي وهو اللي بدأنا بيه مع بعض قبل ولوج فكرة انشاء تيم لينا من الأساس واللي نجاحه كان سبب في وجود التيم النهاردة وعلي ارض صلبة كمان ، الفطار حضره ٦٠ شخص ودا كان عدد جميل جدا لاول ايفنت لدفعة متعرفش بعضها ولينا احنا لانه اول عمل تنظيمي نقوم بيه كافراد مع بعض او كأشخاص منفردين وعرفنا ان الفرقة الثالثة عملوه قبلنا في نفس المكان وحضر ٥٠ بس وهما عارفين بعض كويس وأصحاب ف من هنا اتأكدنا من نجاحنا ، والتحدي اللي قابلنا هنا هو تجميع العدد دا وتجهيز المكان في ٤ ايام فقط.
 - الصورة الجماعية في آخر امتحان لينا مع بعض كفرقة اولي وكانت اكبر تحدي لينا لأننا مكناش عايزين ٦٠ فرد زي الفطار احنا بنخاطب وبنستهدف دفعة كاملة حاولنا بكل سبل الإقناع الممكنة نجمعهم نظرا انهم كانوا مازالوا ميعرفوش بعض او حتي معندهم مش استعداد يتجمعوا مع بعض في اي شيء بس بفضل الله جمعنا اكثر من معظم الدفعة ونظمناهم واتحسنا ان صورتنا طلعت اجمد بكثير.
 - الرحلة كان آخر حاجة عملناها وكانت في الاجازة وطلع معنا ٣٠ شخص لإسكندرية وقابلنا تحدي اننا نجمع العدد دا لكنها طلعت والبروجرام اتنفذ بالحرف والناس اتبسطت.
 - اما المخطط عمله ف احنا حاليا شغالين ع دورة كرة قدم باسم دوري التجاريين هتبدأ ٧ اكتوبر في نادي الشرطة وقدرنا نجمع ١٦ فريق بمجموع اكثر من ١٠٠ شخص ومعانا راعي وهو افريقيا ستور ودلوقتي في الارتوش الاخيرة للانتهاء من التجهيز ليها والاستعداد لبدايتها.
 - دا غير دورة بلايستيشن - ديش بارتي - ايفنت تجميع تبرعات لاحد دور الأيتام - speaking even ، كل دا جاري العمل عليه.
- كل اعمالنا دي موثقة ومعانا التوثيق دا واحنا حاليا شغالين علي ويبسايث هننزل عليه ماتريال الكلية والملخصات وبعض الكورسات المتوفرة ع الإنترنت ببلاش للناس وكمان هيبقي موجود قسم فيه أعضاء التيم باسمائهم ومواقعهم ومساهماتهم وهنبقي اول تيم ع مستوي الجامعة عنده ويبسايث خاص بيه ويعتبر انتهينا من العمل عليه وهو تحت التطوير دلوقتي وهيكون جاهز قريب.

(رؤيتنا المستقبلية)

شايفين نفسنا -بعد فترة ليست بالطويلة- من انجح التيمات علي مستوي الجامعة كلها مش كليتنا بس وان شاء الله قادرين علي دا ، الفورم اللي نزلناه للانضمام للتيم مسجل فيه ٤٠ شخص ودا عدد مش قليل نهائي وكل دول واثقين فينا وفي شغلنا وال نقدر نعمله لسه ، التيم حاليا مكون من ٦ أفراد فقط ، ٦ أفراد قدروا يعملوا كل دا ولسه لما التيم يكبر شغلنا هيكبر اكر باذن الله لأننا زي ما سبق ذكره بنستهدف الجامعة كلها مش كليتنا بس وعندنا كل الثقة في الله اولاً وفينا وفي الكيان بتاعنا ثانيا اننا نقدر ع دا.

شكرا علي وقتكم وسعة صدركم.

Team X